

456

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina

CANTON SARAJEVO
Cantonal Administration for Inspection Issues

Broj: 14-02-05-06287/19
Sarajevo, Februar 03. 2020. godine

KANTON SARAJEVO			
- 6 - 02 - 2020			
01	05	43190	- 78 - 286

119

Bosna i Hercegovina
Federacija Bosne i Hercegovine
Kanton Sarajevo
SKUPŠTINA KANTONA SARAJEVO
SARAJEVO

PREDMET: *Odgovor na zastupničko pitanje broj: 01-05-43190-78/19 od 17.12.2019. godine postavljeno od strane zastupnice Neire Dizdarević - dostavlja se;*

Kantonalna uprava za inspekcijske poslove Kantona Sarajevo, dana 24.12.2019. godine, zaprimila je zastupničko pitanje postavljeno od strane zastupnice Neire Dizdarević, na 16. Radnoj sjednici Skupštine Kantona Sarajevo, održanoj dana 11.12.2019. godine, koje glasi:

"Molim da mi dostavite mjesečne izvještaje o provedenom inspekcijskom nadzoru koji se dostavlja Ministarstvu prostornog uređenja, građenja i zaštite okoliša Kantona Sarajevo jednom mjesečno u periodu od 15.10 - 15.04., a najkasnije do sedmog u mjesecu za prethodni mjesec shodno PLANU INTERVENTNIH MJERA U SLUČAJEVIMA PREKOMJERNE ZAGAĐANESTI ZRAKA U KANTONU SARAJEVO (" Sl. novine KS" br. 44/19) i to izvještaj za dio mjeseca oktobra i mjesec novembar 2019 godine. "



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

U vezi s dostavljenim zastupničkim pitanjem, dostavljamo slijedeći

ODGOVOR:

Shodno odredbama Odluke o zaštiti i poboljšanju kvaliteta zraka u Kantonu Sarajevo ("Sl. novine Kantona Sarajevo", broj 23/16) i odredbama Plana interventnih mjera u slučajevima prekomjerne zagađenosti zraka u Kantonu Sarajevo ("Sl. novine Kantona Sarajevo" broj 44/19) poslove inspeksijskog nadzora nad primjenom navedene Odluke vrše inspektori zaštite okoliša, tržišno-turistički inspektori, saobraćajni inspektori, te kantonalni komunalni i kantonalni urbanističko-građevinski inspektori.

Inspektori sarađuju i sa ostalim organima zaduženim za primjenu Plana i koordinaciju sa nadležnim općinskim inspekcijama. U cilju efikasnosti, a na osnovu ranijeg iskustva i prakse, inspeksijski nadzori se prvenstveno vrše na mjestima i kod subjekata koji bitno utiču ili mogu uticati na povećanje zagađenja, a prije svega prioritet predstavlja kontrola subjekata koji su u prethodnoj sezoni ili ranije evidentirani kao prekršioci Odluke.

Podsjećamo da su poslove inspektora zaštite okoliša na području Kantonu Sarajevu tokom 2019. godine obavljala dva (2) inspektora, a da poslove komunalne inspekcije vrše tri (3) inspektora uz napomenu da komunalnoj inspekciji u radu pomažu komunalni redari. Takođe, napominjemo da u ovom periodu ove inspekcije, pored nadzora iz ove oblasti, imaju povećan obim posla obzirom na veliki broj prijava od strane građana i pravnih lica.

Takođe, napominjemo i sljedeće bitne činjenice:

- Plan interventnih mjera u slučajevima prekomjerne zagađenosti zraka u Kantonu Sarajevo ("Sl. novine Kantona Sarajevo", broj 44/19) je stupio na snagu 07.11.2019. godine.
- Tokom oktobra i novembra 2019. godine nije bilo proglašenja epizoda.

U skladu sa planom rada inspekcije koje djeluju unutar Uprave za inspeksijske poslove Kantona Sarajevo su u oktobru i novembru 2019. godine intenzivirale inspeksijske kontrole s ciljem zaštite i poboljšanja kvaliteta zraka u Kantonu Sarajevo, te izvršile 121 inspeksijski nadzor od čega

R.br.	Inspekcija	Ukupno pokrenutih postupaka	Poduzete mjere rješenja upozorenja	Sankcije prekršajni nalozi	Novi subjekti
1.	zaštita okoliša	95	4 rješenja 58 upozorenja	1 PN 1.000KM	2
2.	komunalna	22		8 PN	



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

				6.000KM	
3.	građevinska	4			
4.	tržišna	5	4 rješenja	6 PN 4.500KM	
UKUPNO		121	8 rješenja 58 upozorenja	15 11.500 KM	2

Inspekcija zaštite okoliša tokom cijele godine kontinuirano vrši nadzor iz oblasti zaštite zraka nad operaterima koji u upotrebi imaju postrojenja za sagorjevanje snage 50 kW i preko 50 kW, kao i inspeksijske nadzore po službenoj dužnosti vezano za kontrole okolinskih dozvola koje izdaje Ministarstvo prostornog uređenja, građenja i zaštite okoliša te nadzore inicirane prijavama.

Tokom oktobra i novembra 2019. godine ova inspekcija pokrenula je 95 postupaka inspeksijskog nadzora u oblasti zaštite zraka uključujući i kontrole okolinskih dozvola tokom kojih se, pored ostalog, vrši i kontrola emisija odnosno postupanja operatera vezano za zaštitu zraka.

U tom periodu vršeni su nadzori registrovanih subjekata koji obavljenjem određene djelatnosti vrše značajne emisije u zrak. Dana 01.10.2019. godine inspekcija zaštite okoliša pokrenula je 58 preventivnih inspeksijskih nadzora prema subjektima kontrole koji se nalaze na Listi Ministarstva prostornog uređenja, građenja i zaštite okoliša Kantona Sarajevo i u evidenciji ove inspekcije vezano za kapacitet postrojenja ili vrstu energenta koji koriste. Od tih subjekata kontrole zatraženo je da u ostavljenom roku poduzmu sve neophodne mjere radi smanjenja emisija u zrak, urade monitoring emisije polutanata u zrak u zakonski predviđenom roku (ukoliko to nisu uradili), te rezultate dostave Ministarstvu prostornog uređenja, građenja i zaštite okoliša Kantona Sarajevo, koje vodi registar emisija.

Istovremeno svi subjekti su upozoreni da su dužni pratiti obavještenja vezano za proglašenja epizoda u Kantonu Sarajevu te sa punom odgovornošću postupati u skladu sa uputama iz Odluke i Plana i o istom blagovremeno obavijestiti ovu inspekciju. U ostavljenom roku više od 40% subjekata kontrole dostavilo je tražene podatke sa dokazima o poštivanju propisanih mjera.

Ova inspekcija je planirala tokom zimske sezone 2019/2020 izvršiti terenske kontrole svih ostalih subjekata. U skladu sa utvrđenim i zatečenim stanje na terenu biće poduzete odgovarajuće zakonom predviđene mjere. Inspeksijskim nadzorima po službenoj dužnosti u ovom periodu registrovana su dva subjekta koja ranije nisu evidentirana te su prema istima poduzete zakonom predviđene upravne mjere odnosno donijeta rješenja o izradi monitoringa emisije zagađujućih materija u zrak.

Istovremeno, ističemo da je ova inspekcija u saradnji sa tržišnom inspekcijom vršila i kontrole na prodajnim mjestima uglja i drva vezano za zaštitu istih od uticaja atmosferilija, obzirom da



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

mokar energent predstavlja znatan izvor negativnih uticaja na zrak. Na kontrolisanim lokacijama u trenutku kontrole nisu utvrđene nepravilnosti, a subjekti nadzora su upozoreni na obavezu zaštite prodajnog materijala.

U vezi s naprijed navednim napominjemo da ovoj inspekciji do sada nije dostavljen nijedan izvještaj o monitoringu kojim su utvrđene nepravilnosti.

Radi utvrđenih nepravilnosti donijeta su četiri rješenja, a za nepostupanje po rješenju inspektora pokrenut je jedan prekršajni postupak izdavanjem prekršajnog naloga za fizičko lice u iznosu 1.000,00 KM.

Kantonalna komunalna inspekcija je u skladu sa zakonskim ovlaštenjima, a u cilju utvrđivanja ispunjavanja odredbi Plana interventnih mjera u slučajevima prekomjerne zagađenosti zraka u Kantonu Sarajevo ("Sl. novine Kantona Sarajevo" broj 44/19) u ovom periodu intenzivirala kontrolu nad primjenom Zakona o komunalnoj čistoći ("Sl. novine Kantona Sarajevo", broj 14/16, 43/16, 19/17, 20/18 i 22/19).

U tom smislu pokrenut je preventivni nadzor nad kantonalnim javnim komunalnim preduzećima KJKP "PARK" d.o.o. Sarajevo i KJKP "RAD" d.o.o. Sarajevo.

Istovremeno, intenzivirani su obilasci terena, javnih površina i gradilišta, kontrola loženja i paljenja vatre na otvorenom i spaljivanje otpada, a sve u saradnji sa komunalnim redarima KJKP "Rad" doo Sarajevo.

Kontrolom KJKP "PARK" d.o.o. Sarajevo utvrđeno je da se primijenjuju interventne mjere na način da se na stazama, platoima, stepeništima i slivnicima obuhvaćenim Programom održavanja javnih zelenih površina na području Općina Stari Grad, Centar, Novo Sarajevo, Novi Grad, Ilidža i Vogošća vrši ručno i mašinsko čišćenje kao i adekvatno odlaganje prikupljenih nečistoća radi smanjenja emisija prašine.

Od KJKP "Park" doo Sarajevo je zatraženo da u cilju provođenja mjera na zaštiti i poboljšanju kvaliteta zraka u Kantonu Sarajevo, nastave kontinuirano i po potrebi vršiti pranje betonskih, asfaltnih i popločanih parkovskih staza te čistiti javne površine kojima upravljaju.

Kontrolom KJKP "RAD" d.o.o. Sarajevo utvrđeno je da su intenzivirane svakodnevne aktivnosti ručnog održavanja komunalne higijene, mehaničkog održavanja i pranja javnoprmetnih površina. Takođe, ističemo da je Služba komunalnih redara u svakodnevnoj kontroli izvršavanja mjera predviđenih Planom te da zapisnike i sl. zabilješke sačinjene na licu mjesta redovno i ažurno dostavlja ovoj inspekciji radi daljeg postupanja u skladu sa ovlaštenjima u slučaju utvrđenih nepravilnosti.

Vezano za odredbe Odluke i Plana, prioritet komunalne inspekcije u ovom periodu predstavlja rad na službenim zabilješkama komunalnih redara kojima je vršena kontrola iz ove oblasti. Shodno naprijed navedenom evidentirani su obilasci lokacija na svim općinama najmanje jednom mjesečno. Sankcije su, kako je naprijed navedeno, izricane prema odredbama lex specialis.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Tokom ovog perioda u cilju zaštite zraka na osnovu Zakona o komunalnoj čistoći a u vezi odredbi Odluke i Plana (kontrola izvođača radova na održavanju čistoće javnih saobraćajnica oko postojećih gradilišta) izdato je ukupno osam prekršajnih naloga za pravno lice i odgovorno lice u pravnom licu unovčanom iznosu od 6. 000,00 KM.

Kantonalna urbanističko-građevinska inspekcija je tokom navedenog perioda u okviru redovnih nadzora izvršila kontrolu postupanja učesnika u građenju na tri lokacije na kojima se trenutno izvode građevinski radovi koje nadzire shodno odredbama Zakona o prostornom uređenju a u vezi sa odredbama Odluke i Plana.

U trenutku kontrole nisu utvrđene nepravilnosti. Pored toga, ova inspekcija će u narednom periodu vršiti koordinaciju sa općinskim urbanističko-građevinskim inspekcijama vezano za kontrolu gradilišta.

Tržišno-turistička inspekcija je prilikom kontrole prodaje uglja u Kantonu Sarajevo u periodu 01.11. do 11.11.2019. godine izvršila nadzor nad pet registrovanih subjekata koji obavljaju promet uglja u Kantonu Sarajevo i to: "Drvosječa" d.o.o. Sarajevo, "Briket" d.o.o. Sarajevo, "Bas-Dam" d.o.o. Sarajevo, TR "Ogrijev transport" i "Oganj transport" d.o.o.

Tokom izvršenih nadzora utvrđeno je da subjekt "Briket" d.o.o. ne radi, a da ostali subjekti vrše promet uglja iz rudnika Miljevina, Stanari i Banovići. Za ugalj ne posjeduju dokaz - sertifikat o zadovoljenju uslova o ukupnom sadržaju sumpora u skladu sa Odlukom o zaštiti i poboljšanju kvaliteta zraka u Kantonu Sarajevo ("Sl. novine Kantona Sarajevo" broj 23/16).

Na osnovu tako utvrđenog stanja inspektori su izdali 4 (četiri) rješenja kojima se zabranjuje obavljanje djelatnosti prodaje uglja za koji trgovac ne posjeduje dokaz o ispunjavanju uslova o ukupnom sadržaju gorivog sumpora iznad 1% i toplotnu moć nižu od 12000kJ/kg uglja koji prodaju, izdato od strane akreditovane laboratorije za analizu uglja BAS EN ISO 17025, čime je prekršen član 17.stav 1. i 3. Odluke.

Shodno naprijed utvrđenom stanju, inspektori su izdali šest prekršajnih naloga za pravna lica i odgovorna lica u pravnom licu u novčanom iznosu od 4.500,00 KM. Također izdata su i rješenja kojima se zabranjuje obavljanje djelatnosti maloprodaje uglja za koji trgovac ne posjeduje dokaz o ispunjavanju uslova o ukupnom sadržaju sumpora.

Nadzor nad pravnim licem je obuhvatio i kontrolu zaštite čvrstih goriva od atmosferskih uticaja, a o uočenim nepravilnostima kod jednog subjekta kontrole obaviještena je inspekcija zaštite okoliša.

Pored toga, izvršeni su i obilasci lokacija na kojima je uobičajena prodaja uglja sa kamiona (Stupska pijaca). U trenutku kontrole nije zatečena prodaja, a o zatečenim okolnostima sačinjena je službena zabilješka.

Uprava za inspeksijske poslove Kantona Sarajevo u cilju zaštite javnog interesa u narednom periodu po službenoj dužnosti će vršiti intenzivan nadzor nad primjenom Odluke i Plana, a u slučajevima proglašenih epizoda shodno raspoloživim ljudskim resursima vršit će se pojačan nadzor i uvesti dežure.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Posebno napominjemo da je građanima data mogućnost da prijave nepravilnosti u postupanju koje dovode do zagađenja okoliša na način koji je njima prihvatljiv, tako da se prijave primaju direktno od građana, putem dežurnih brojeva telefona, putem viber telefona, te na mail adrese.

Po svim zaprimljenim prijavama pokreću se postupci inspeksijskog nadzora od strane nadležnih inspekcija, a po potrebi se formiraju timovi inspektora koji djeluju unutar Kantonalne uprave za inspeksijske poslove. Nakon provedenog postupka u skladu sa utvrđenim stanjem poduzimaju se sve odgovarajuće zakonom predviđene mjere, a podnosioci zahtjeva obavještavaju o istom.

S poštovanjem,

Dostavlja se:

- ① Predsjedavajući Skupštine KS
2. Sekretaru Skupštine KS
3. Stručnoj službi Vlade KS
4. a/a



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb